

paro na tur accion na Barcadera

Nan lo tin cu dia 30 di juni pa yega na un protocol nobo

SADA, Sindicato di Douane tabatin reunion cu su miembronan diamars anochi na Oficina di SEPPA. Durante e reunion aki a papia riba e situacion na waf di Barcadera y diferencianan di opinion cu a reina. SADA a reuni cu Minister Bermudez tambe.

Edward Maduro, Presidente di SADA, a bisa cu e intervencion di Minister Bermudez a yuda pa yega na un solucion pa ambos partido, semper y cuando cu respet pa cada uno nan trabao.

Presidente di SADA a splica cu nan a yega na un situacion Win-Win entre ASTEC y Douane. Nan ta traha hunto pa un solo meta cu ta seguridad pa pais Aruba. No t'asina cu mester pone confianza den seguridad y ta muestra cu no tin confianza den Cuerpo di Douane, Imigracion of Polis. Mira e situacion cu tin na Aeropuerto, unda tin un bon relacion di trabao y esey Edward Maduro kier logra tambe na waf di Barcadera.

Despues di a papia cu e miembronan, a dicidi cu no tin mas accion y pa yega na un protocol nobo, prome cu dia 30 di juni.

Si Edward Maduro a duna di conoce cu loke a resalta den henter e asunto aki ta cu e Director di Douane a laga di desea. Diahuebs a papia un cos y diabierna e Director di Douane a duna otro declaracion na prensa.

E coleganan di Douane a lamenta e actuacion pasobra e Director tabatin tur carta riba mesa. Ta di lamenta tambe e intencion di ATIA cu kier a bay Corte pa ordena e trahadornan di bay traha, pa kibra nan accion.

ATIA

Kimberly Boekhoudt, Directora interino di ATIA, mirando cu e accion di Douaneronan, a dicidi di cuminsa un caso den Corte, pero e Douaneronan a bay traha y asina e reunionnan a sigui.

BERMUDEZ

Minister Angel Bermudez a tuma nota di e disputa cu a surgi Sindicato Douane y ASTEC. E tin di haber cu areglo di seguridad. Leynan cu ta atende cu e procedura di Douane ta algo cu mester tene cuenta cune.

Berdad APA a duna e espacio na ASTEC pa maneha esaki. Pero e reglanan ta bon hinca den otro, mas dicho teritorio ta di Aduana.

Un plan di seguridad nobo ta loke a wordo pidi. Mester mira cu ta diferente autoridad mester desplega nan trabou riba tereno di haf, pa cual a keda acorda cu lo haci esaki

proximamente y asina Douane a stop e accion. Lo sinta hunto cu Minister di Husticia Arthur Dowers y a bay mira e situacion na Barcadera, pa cual tin un “buraco” habri.

Ta papia di diferente entrada y salida na haf cu no tin control di seguridad y nan kier mira esaki segun Minister Angel Bermudez.

Mientrastanto e plan di seguridad cu ta cumpli cu e code di ISPS manera si a tene esaki na cuenta na Paardenbaai, a dicidi di mantene esaki awor na Barcadera te ora cu yega na un protocol nobo.